



孔子集語

坤

逍遙文庫
文庫 6
129
2

~~X
84
2~~





孔子集語卷下

子出衛第十一



子出衛東門逢姑布子卿子卿迎而謂子貢曰是為魯孔丘與得堯之志舜之目禹之頸皋陶之喙從前視之盎盎乎似有工者從後視之高肩弱脊循循固得之轉要下四寸此惟不及四聖者也子貢曰吁子卿曰子何患焉汗面而不惡葭喙而不藉羸乎若喪家之狗子何患焉子貢以告子無辭而獨辭喪家之狗曰丘何敢乎賜汝不見喪家之

文庫6
129
2

身言卷下
一
身言卷下

狗歟既歟而惇布器而祭顧望無人意欲施之今
上無明主下無賢方伯王道衰政教失強凌弱眾
暴寡百姓縱心莫之紀綱是故以丘為欲當之者
也丘何敢乎韓詩外傳

子貢曰葉公問政於夫子子曰政在於附近而來
遠魯哀公問政子曰政在於論臣齊景公問政子
曰政在於節用三君問政夫子應之不同然則政
有異乎子曰荆之地廣而都狹民有離志焉故曰
在於附近而來遠哀公有臣三人內比周以惑其

君外障距諸侯賓客以蔽其明故曰政在論臣齊
景公奢於臺榭滌於苑囿五官之樂不解一旦而
賜人百乘之家者三故曰節用

東郭子思問於子貢曰夫子之門何其雜也子貢
曰夫隳枯之旁多枉木良醫之門多疾人砥礪之
旁多頑鈍夫子聞之曰修道以俟天下來者不止
是以雜也

子曰參女以為明主為勞乎昔者舜左禹而右皋
陶不下席而天下治

身言卷下

子曰、古之刑者省之、今之刑者繁之、古者有禮、然後有刑、是以刑省也、今也反是、無禮而齊之以刑、是以繁也、

子如衛、人謂曰、公甫不能聽獄、子曰、非公甫不能聽獄也、有罪者懼、無罪者耻、民近禮矣、

子曰、聽訟者、雖得其情、必哀矜之、死者不可復生、鬻者不可復贖也、

子曰、吳越之俗、男女同川而浴、其刑重而不勝、由無禮也、中國之教、內外有別、男女不同掩架、不同

巾擗、其刑重而勝、由有禮也、語曰、夏后不殺不刑、罰有罪而民不輕犯、

子曰、古之聽民者、察貧窮、哀孤獨、矜寡、宥老幼、不肖無告、是故老而受刑、謂之悖、弱而受刑、謂之口、不赦過、謂之逆、率過以小、謂之挾、

子曰、今之聽民者、求所以殺之、古之聽民者、求所以生之、不得其所以生之之道、乃刑殺、君與臣會焉、

子曰、君子不可以不學、見人不可以不飭、不飭無

營按營當作營

貌無貌不敬、不敬無禮、無禮不立、夫遠而光者飭也、近而逾明者學也、譬之如汙邪、水潦集焉、營蒲生焉、從上觀之、誰知其非源水也、

子曰、文王得四臣、丘得四友、吾得回也、門人加親、是非胥附邪、吾得賜也、遠方之士至、是非奔走邪、吾得師也、前有光、後有輝、是非先後邪、吾得由也、惡言不至於耳、是非禦侮邪、故文王有四臣、免於虎口、丘得四友、以禦侮、

何崇曰二教中

子曰、心之精神、是謂聖、並見尚書大傳

宗語

顏叔子第十二

顏叔子、獨處于室、鄰之嫠婦、又獨處于室、夜暴風雨至而室壞、婦人趨而至、顏叔子納而使執燭、放手且而蒸盡、縮屋而繼之、自以為辟嫌之不審矣、若其審者、宜若魯人然、魯人有男子獨處室、鄰之嫠婦、獨處于室、夜暴風雨至而室壞、婦人趨而就之、男子閉戶而不納、婦人自牖與之言曰、子何為不納我乎、男子曰、吾聞之也、男女不六十、不同居、吾子幼、吾亦幼、不可以納子、婦人曰、子何不若柳

何崇曰
晉人機
鋒處不
得此語
力

下惠、姬不逮門之女，國人不稱其亂。男子曰：柳下惠固可，吾固不可；吾將以吾不可學柳下惠之可。

孔子曰：欲學柳下惠者，未有似於是者也。孔子俟子貢久而不至，謂弟子占之，遇鼎，皆曰：折足，賜不來。顏淵掩口而笑，子曰：回也，哂，謂賜來也。無足，乘舟而至，子貢朝至。呂氏春秋

子曰：少成若天性，習慣如自然。見禮大

子曰：國有道，雖加刑，無刑也；國無道，雖殺之，不可

曾按傳
當作露

勝也。見董仲舒春秋繁傳

子曰：君子不盡利以遺民，故詩云：彼有遺秉，此有不斂穢，伊寡婦之利。其類曰：由詩人

子曰：不患貧而患不均。繁露

子曰：我欲載之空言，不如見之行事之深切著明

也。司馬遷傳

邠費之宰，三大夫數叛，憲之以問孔子，孔子曰：陪

臣執國命，采長數叛者，邑有城池之固，家有甲兵

之藏，故也。季氏說而墮，邠墮費。公羊傳何休註

子曰：吾志在春秋，行在孝經。何休公羊傳序

孔子見羅者所得皆黃口也。孔子曰：黃口盡得，大爵獨不得，何也？羅者對曰：黃口從大爵者不得，大爵從黃口者可得。孔子顧弟子曰：君子慎所從，不得其人，則有網羅之患。說苑

子路問曰：治國何如？子曰：在於尊賢而賤不肖。子路曰：范中行氏尊賢而賤不肖，何為其亡也？子曰：尊賢而不能用，賤不肖而不能去也。賢者知其不用，已也；怨之，不肖者知其賤已也。讐之，怨讐並興，欲無亡得乎？

齊侯問第十三

齊侯問於晏子曰：為政何患？對曰：患善惡之不分。公曰：何以察之？對曰：審擇左右。左右善則百僚各得其所宜，而善惡分。孔子聞之曰：善哉。

子曰：本不正者末必倚，始不盛者終必衰。春秋之義有正春，無亂秋。有正君，無危國。易曰：建其本而萬國理，失之毫釐，差以千里。故君子貴建本而重其始。

子曰：中人之情，有餘則侈，不足則儉，無禁則淫，無

度則失縱欲則敗故飲食有量衣服有節宮室有度蓄聚有數車器有限以防亂之源也

子曰夏道不亡商德不作商德不亡周德不作周德不亡春秋不作春秋作而後君子知周道亡也故上下相虧也猶水火之相滅也人君不可不察而大盛其臣下此私門盛而公室毀也

子路問於孔子曰請釋古之學而行由之意可乎孔子曰不可昔者東夷慕諸夏之義有女其夫死為之納私婿終身不嫁不嫁則不嫁矣然而非負

節之義也蒼梧之弟娶妻而美好請與兄易忠則忠矣然非禮也今子欲釋古之學而行子之意庸知子用非為是用是為非子不慎其初雖欲悔難哉

孔子曰惡惡道不能甚者則其好善道亦不能甚好善道不能甚則百姓之親之也亦不能甚

子曰吾於甘棠見宗廟之美也尊其人敬其位古聖之道幾哉幾音基

仲尼見梁君梁君問曰吾欲長有國吾欲列都之

得吾欲民不惑吾欲士竭力吾欲使日月當時吾欲使聖人自來吾欲使官府治為之奈何仲尼曰丘聞之兩君相親則長有國君惠臣忠則列都之得毋殺不辜毋釋罪人則民不惑益士祿賞則竭其力尊天敬鬼則日月當時善為刑罰則聖人自來尚賢使能則官府治

魯有父子訟者康子曰殺之孔子曰未可殺也夫良不知父子訟之不善者久矣是則上過也上有道是人亡矣康子曰夫治民以孝為本今殺一人

以戮不孝不亦可乎孔子曰不孝者不教而誅之是殺不辜也三軍大敗不可誅也訟獄不治不可刑也上陳之教而先服之則百姓從風矣躬行不從而後俟之以刑則民知罪矣夫一仞之牆民不能踰百仞之山童子升而遊焉凌遲故也今仁義凌遲久矣能謂民不踰乎

並見說苑

文王第十四

文王似元年武王似春周公似正月文王以王季為父太任為母太姒為妃武王周公為子泰顛閔

天為臣其本美矣武王正其身正其國以正天下
伐無道刑有罪一動天下正其事正矣春致其時
萬物皆生君致其道萬人皆治周公戴已而天下
順其誠矣

說苑帝
辛下有
之時字

孔子曰存亡禍福在已而已天災地妖不能殺也
昔殷王帝辛爵生烏於城之隅占者曰小而生巨
國家必社帝辛喜不治國家尤暴極甚外寇乃至
遂亡殷國此逆天之時說福而反得福也殷王武
丁之時刑法弛廢桑穀共生于朝七日而大拱占

者曰桑穀野物也而生于朝意朝亡乎武丁恐駭
側身修行興滅國繼絕世舉逸民三年之後遠方
之君重譯來朝者六國此迎天之時說禍而反得
福也故妖孽者天之所以警天子諸侯也惡夢者
所警士大夫也妖孽不勝善政惡夢不勝善行
孔子讀易至損益喟然而嘆子夏避席曰夫子何
嘆孔子曰自損者益自益者損吾是以嘆也子夏
曰然則學不可益乎孔子曰否天之道成者未嘗
得久也夫學者以虛而受之故曰苟得持滿則天

下之善言，不得入其耳矣。昔堯履天子之位，猶允
恭以持之，虛靜以待下，故百載而逾盛。迄今而猶
章，昆吾自滅而滿意，窮高而不衰，故當時而虧。迄
今而愈惡，是非益損之徵歟。

哀公問於孔子曰：人若何而可取也？孔子對曰：毋
取掛鉤者，毋取健者，毋取口銳者，掛者太利不可
盡用，健者必欲兼人不可為法也，口銳者多誕而
寡信，後恐無驗也。夫弓矢調而後求其中焉，馬慤
愿而後求其良焉，人不忠信重厚而多智能，如此

人者，譬猶豺狼，不可近也。是故先仁信之誠者，然
後親之。於是人之有智能者，然後任之。

魯人有贖臣妻於諸侯者，取金於府，子貢贖人於
諸侯，而還其金。孔子聞之，曰：賜失之矣。聖人舉事
可以移風俗，而教道可施於百姓，非獨適其身之
行也。今魯國富者寡，貧者衆矣。贖而受金，則為不
廉，不受則後莫敢贖。自今以後，魯人不復贖矣。並見

說苑

齊桓公第十五

齊桓公出獵，逐鹿於谷中，見老人而問之曰：「何谷？」對曰：「愚公之谷。」桓公曰：「何故？」曰：「以臣故名之。」公曰：「視爾之狀，非庸人，何以爾名？」對曰：「臣故畜特牛而大賣之，以買駒。少年曰：『牛不能生馬，遂持駒去。』聞者以臣為愚，故谷以臣得名。」桓公歸，以告管仲。管仲曰：「此夷吾之愚也。使堯在上，臯陶為理，安有取人駒者乎？愚公知治獄不正，故與之耳。請退而修政。」孔子曰：「弟子記之。」桓公霸君，管仲賢佐，猶有以智為愚者，況不及桓公管仲者乎？

孔子與齊景公坐，左右曰：「周使來言周廟焚。」齊景公問孔子曰：「何廟也？」孔子對曰：「必釐王廟也。」詩云：「皇皇上帝，其命不忒。天之報人，必報其德。禍亦如之。」釐王變文王之制，輿馬奢侈，不可振也。故天殃其廟，以是知之。景公曰：「何不殃其身？」曰：「天以人主之故，若殃其身，文王之祀無乃絕乎？故殃其廟，以彰其過也。」左右人報曰：「是釐王之廟也。」景公驚曰：「聖人之智，不亦大乎？」

孔子將行，無蓋。弟子曰：「子夏有之，可以行。」孔子曰：

商之為人短於財吾聞與人交者推其長違其短故能久長矣

子讀詩至正月之六章懼然曰不逢時之君子豈不殆哉從上依世則廢道違上離俗則危身世不與善而已獨行之故曰非其時恐不得終焉

孔子曰不觀高岸何以知顛墜之患不臨深淵何以知沒溺之患不觀海上何以知風波之患失之者其在此乎士慎三者無累於人

並見說苑

公索氏第十六

公索氏將祭亡其牲子曰公索氏比及三年必亡後一年而亡弟子曰夫子何以知之孔子曰祭之為言索也索也者自盡也乃孝子所以盡其親也將祭而亡其牲則餘所亡者多矣吾以此知其將亡也

魯哀公問孔子曰吾聞忘之甚者徒而忘其妻有諸乎孔子對曰此非忘之甚也忘之甚者忘其身昔夏桀貴為天子富有四海不修禹之道毀壞辟法裂絕世祀荒淫于樂沈酗于酒其臣左師觸龍

諂諛不止、湯誅桀、左師觸龍身死、四支異處、此忘其身者也、哀公變色曰善、

顏回將西遊、問於孔子曰、何以為身、孔子曰、恭敬忠信、可以為身、恭則免於衆、敬則人愛之、忠則人與之、信則人恃之矣、

子路行辭於仲尼曰、敢問新交取親若何、言寡而可行若何、長為善士而無犯若何、仲尼曰、新交取親、其忠乎、言寡可行、其信乎、長為善士而無犯、其禮乎、

仲尼曰、史鱣有君子之道三、不仕而敬、止不祀而敬鬼、直能曲於人、

子路盛服入見孔子、孔子曰、是襜褕也、音者何也、昔

何崇曰
大字義
是小與
一勺之
多多字
同

者江水出於岷山、其始也大足以濫觴、及至江之津也、不方舟不避風、不可渡也、非唯下流衆川之多乎、今若衣服甚盛、顏色充盈、天下孰肯加若者哉、子路趨出改服而入、孔子曰、由汝記之、吾語汝、責於言者華也、奮於事者伐也、夫色智而有能者、小人也、故君子知之為知之、不知為不知、言之要

也能之為能、不能為不能、行之至也。言要則知、行要則仁、既知且仁、夫何有加矣哉。

趙襄子見圍於晉陽、罷圍有功臣、高赫無功而受上賞、張孟談曰、晉陽之中、高赫無功、與上賞何也？襄子曰、吾在厄中、唯赫不失臣主之禮、子以功驕寡人也、與赫上賞、不亦可乎？孔子聞之曰、趙襄子可謂善賞士矣、賞一人而天下之人臣、莫敢失君臣之禮。

孔子閒居、喟然嘆曰、銅錡伯華無死、天下其有定矣。子路曰、其為人何若？子曰、其幼也、敏而好學、壯也、勇而不屈、老也、有道而能下人。子路曰、何謂也？孔子曰、由、汝不知吾聞以衆攻寡、無不消也、以貴下賤、無不得也。周公制天下之政、而下士七十人、豈無道哉？欲得士故也。有道而能下天下之士、君子乎哉？

子曰、可也。簡、簡者易野也、易野也者、無禮文也。孔子見子桑伯子、子桑伯子不衣冠而處、弟子曰、夫子何為見此人乎？子曰、其質美而無文、吾將說而

文之孔子去子桑伯子門人不說曰何為見孔子乎曰其質美而文繁吾欲說而去其文故曰文質修者謂之君子有質無文謂之易野子桑伯子易野欲同人道於牛馬故仲弓曰太簡

孔子至齊郭門外遇一嬰兒挈一壺相與俱行其視精其心正其行端孔子謂御者曰趣驅之趣驅之韻樂將作孔子至彼聞韻三月不知肉味並見說苑

密按韻當作韶下同

子夏問第十七

子夏問仲尼曰顏回為人何若曰回之信賢於丘

也曰子貢為人何若曰賜之敏賢於丘也曰子路為人何若曰由之勇賢於丘也曰子張為人何若曰師之莊賢於丘也子夏避席而問曰然則四者何為而事先生子曰坐吾語汝回能信而不能反賜能敏而不能屈由能勇而不能怯師能莊而不能同兼此四者丘不為也夫所謂至聖之士必見進退之利屈伸之用者也孔子觀於呂梁懸水四十仞環流九十里有丈夫將涉之孔子使人止之丈夫不錯措意遂渡而出

孔子曰、子有巧乎、有道術乎、所以能入而不能出者何也、丈夫曰始吾入、先之以忠信、吾之出、又從以忠信、忠信錯吾軀於波濤、而吾不敢用吾私、所以能入而復出也、孔子謂弟子曰、水尚可以忠信、義久而身親之、況於人乎、

子路持劍、孔子問曰、安用此乎、子路曰、古者以自衛、孔子曰、君子以忠為質、以仁為衛、不出環堵之內、而聞千里之外、不善以忠化、寇暴以仁圍、何必劍乎、

孔子曰、行身有六本、本立焉然後可為君子、體有義矣、而孝為本、喪有禮矣、而哀為本、戰陣有隊矣、而勇為本、治政有理矣、而能為本、居國有禮矣、而嗣為本、生財有時矣、而力為本、置本不固、無務豐末、親戚不說、無務外交、事無終始、無務多業、聞記不言、無務多談、比近不說、無務修遠、是以反本修邇、君子之道也、

孔子曰、鯉、君子不可以不學、見人不可以不飭、不飭則無根、無根則失理、失理則不忠、不忠則失禮、

失禮則不立夫遠而有光者飭也近而愈明者學也譬之汙池水潦注焉菅蒲生焉從上觀之誰知其非源也

孔子謂子路曰汝何好曰好劍孔子曰非此之問也請以汝之所能加以好學豈不可哉子路曰學有益乎孔子曰人君無諫臣則失政士無教友則失德狂馬不擇其策操弓不反於檠正弓木受繩之器則直人受諫則聖受學重問孰不順成毀仁惡士見近於刑君子不可不學也子路曰南山有竹弗

作檠

竹

操自直斬而射之通乎犀革又何學焉孔子曰括而羽之鏃而砥礪之其入不益深乎子路拜曰敬受教哉並見說苑

楚伐陳第十八

楚伐陳焚西門使降民修之孔子過之不軼子路問曰禮過三人則下車二人則軼陳修門者衆矣夫子不軼何也孔子曰丘聞之國亡而不知智知而不爭不忠忠而不死不廉今陳修門者不行一於此丘故不軼也

顏淵問仲尼曰成人之行何若子曰成人之行達乎情性之理通乎物類之變知幽明之故睹遊氣之源若此則可謂成人既知天道行身以仁義飾身以禮樂夫仁義禮樂成人之行也窮神知化德之盛也

子貢問死人有知乎無知也孔子曰吾欲言死者有知也恐孝子順孫妨生以送死也吾欲言死者無知也恐不孝子孫棄而不葬也賜爾欲知死人有知將無知也死徐自知之猶未晚也

孔子曰移風易俗莫善於樂安上治民莫善於禮是故聖人修禮文設庠序陳鐘鼓天子辟雍諸侯泮宮所以行德化也

孔子之楚有獻魚者孔子不受獻魚者曰天暑市遠賣之不售思欲棄之不若獻之君子孔子再拜受命使弟子掃地將祭之弟子曰人將棄之而夫子將祭之何也孔子曰吾聞之務施而不腐餘財者聖人也受聖人之饋可無祭乎

孔子曰北方有獸其名曰夔前足鼠而後足兔是

獸也甚愛蚩蚩巨虛也食得甘草必齧以遺蚩蚩
巨虛蚩蚩巨虛見人將來必負螫以走螫非性愛
蚩蚩巨虛也為其假足故也二獸者亦非性愛螫
也為其得甘草而遺之也夫禽獸昆蟲猶知比假
以相報也況於士君子之欲興名利於天下者乎

並見說苑

孔子席不正不坐割不正不食席不正不坐不飲
盜泉之水積正也

漢許慎說文

刻錄於天下

士尹池為荆使於宋司城子罕止而觴之南家之

下席不正句疑衍

何棠曰叙鄙事能如此鍊雅

牆擁於前而不直西家之潦經其宮而不止士尹
池問其故子罕曰南家鞞工也吾徙之其父曰吾
恃鞞而食者三世今徙是國之求鞞者不知吾處
也吾無以食顧相國之憂吾不食也為是吾不徙
西家高吾室卑潦之經吾宮也利為是吾不禁也
士尹池歸荆適興兵欲攻宋士尹池諫於士曰宋
不可伐也其君賢其相仁賢者得民仁者能用人
攻之無功乃為天下笑荆釋宋而攻鄭孔子聞之
曰夫修之廟堂之上而折衝千里之外者司城子

軍之謂也

劉向新序

楚共王出獵而遺其弓，左右請求之，共王曰：「止，楚人遺弓，楚人得之，又何求焉？」仲尼聞之曰：「惜乎！其不大也。」亦曰：「人遺弓，人得之而已，何必楚也。」說苑

虞人芮人質成於文王，入文王之境，見其人民，遜為士大夫，入其國，見其士大夫，遜為公卿，二國者相謂曰：「其人民遜為士大夫，其士大夫遜為公卿，其君亦遜以天下而不居矣。」二國者未見文王，歸而遜其所爭為開田。孔子曰：「大哉！文王之道乎！其

開疑間字

不可加矣。不動而變，無為而成，敬謹恭已，而虞芮自平。

曾子芸瓜，誤斷其根，曾皙怒，投大杖擊之。曾子仆地，有頃而蘇，蹙然而起，曰：「大人教參，得無疾乎？」孔子聞之，以告門人，曰：「參來勿內。」三日，曾子因客而見孔子，孔子曰：「汝聞瞽瞍有子曰舜乎？舜之事父也，索而使之，未嘗不在側；求而殺之，未嘗可得；小箠則待，大箠則走，以逃暴怒也；立體而不去，殺身以陷父不義，不孝孰是大乎？」

何崇曰
詞甚難
續

孔子既不得用於衛，將西見趙簡子，至河而聞竇鳴犢、舜華之死也。曰：竇鳴犢、舜華，晉國之賢大夫也。趙簡子未得志之時，須此兩人而後從政。及其已得志，殺之。丘聞之，刺胎殺夭，則麒麟不至，竭澤涸魚，則蛟龍不遊，覆巢毀卵，則鳳凰不翔。何則？君子重傷其類也。夫鳥獸之於不義也，尚知避之，而況丘哉。乃還。並見說苑

孔子先第十九

孔子先世，宋緡公之長子曰弗父何。何世為宋大

曾按聊
當作聊
音鄒

夫。其曾孫曰正考父，考父之子曰孔嘉父，嘉為華父督所殺。其子奔魯，始為陬人。孔子之魯，大父曰孔防叔，防叔生伯夏，伯夏生叔梁紇，以勇力聞於諸侯，禱於尼丘，生孔子，故名之曰丘，字仲尼。孔子之生魯，襄公之二十二年也。孔子為兒嬉戲，常陳俎豆，設禮容。幼而喪父，葬於防山，母不以告。及母死，不知其墓，乃殯於五父之衢。有過而疑焉，因問之，得於聊曼父之母。然後合葬於防。孔子長九尺六寸，人皆謂之長人。蓋未有知之者。年三十有四。

魯大夫孟僖子病且死屬說與何忌事之而學禮焉以定其位

闕里世載

齊景公致廩丘於孔子以為養子不受曰吾聞君子當以功受祿今說景公未之行而賜廩丘其不知丘甚矣遂辭而行

孔子遭難於陳蔡之境絕糧弟子皆有饑色孔子歌兩柱之間子路入見曰夫子之歌禮乎孔子不應曲終而曰君子好樂為無驕也小人好樂為無懾也其誰知之子不我知而從我者乎子路不悅

授干而舞三終而出及至七日孔子修樂不休子路愠見曰夫子修樂時乎孔子不應樂終而曰由昔齊桓公霸心生於莒勾踐霸心生於會稽晉文霸心生於驪氏故居不幽者思不遠身不約者智不廣庸知不過於是興明日免於院子貢執轡曰二三子從夫子而遇此難也其不忘可也孔子曰惡是何言也語不云乎三折肱而成良醫夫陳蔡之間丘之幸也二三子從丘皆幸人也吾聞人君不困不成王士不困不成行昔者湯困於荝文王

困於羗里、秦穆公困於殽、齊桓公困於長勺、勾踐困於會稽、晉文困於驪姬、夫困之道、從寒之暖、暖之及寒也、唯賢者獨知其難、而言之也、易曰、困亨、貞大人吉、

孔子困於陳蔡之間、七日不食、藜羹不糝、弟子皆有饑色、孔子讀詩書、治禮樂不休、子路進諫曰、凡為善者、天報以福、為不善者、天報以禍、今先生積德行為善久矣、意者尚有遺行乎、奚居之隱也、孔子曰、由來汝不知吾語、汝以智者為無知乎、則

王子比干、何為剖心而死、子以諫者為必聽邪、伍子胥、何為抉目於吳東門、子以廉者為必用邪、伯夷、叔齊、何為餓死首陽之下、子以忠者為必用邪、鮑莊、何為而肉枯、故荆公子高、終身不顯、鮑焦、抱木而立、子推、登山焚死、古聖人君子、博學深謀、不遇時者眾矣、豈獨丘哉、賢不肖者、才也、為不為者、人也、遇不遇者、時也、死生者、命也、有其才、不遇其時、雖才不用、苟遇其時、何難之有、故舜耕歷山、而陶於河畔、立為天子、則其遇堯也、傳說負壤土、釋

版築而立佐天子則其遇武丁也伊尹有莘氏之
 媵臣也負鼎俎調五味而佐天子則其遇成湯也
 呂望行年五十賣食於棘津行年七十屠牛朝歌
 行年九十為天子師則其遇文王也管夷吾束縛
 膠目居檻車中自車中起為仲父則其遇桓公也
 百里奚自賣取五羊皮而為卿大夫則其遇秦穆
 公也沈尹名聞天下為令尹而讓孫叔傲則其遇
 楚莊王也伍子胥前多功後戮死非其智益衰也
 前遇闔廬後遇夫差也夫驥院益車非無驥狀也

夫世莫知也使驥得王良造父驥其無千里之足
 乎芝蘭生於深林非無為人而不芳故學者非為
 通也為窮而不困說死

孔子過宋與弟子習禮於大樹下宋司馬使人伐
 其樹去適鄭與畧

仲尼曰吾聞堯舜遊首山觀河渚乃有五老亦觀
 河渚一老曰河圖將來告帝期二老曰河圖持龜
 告帝謀三老曰河圖將來告帝書四老曰河圖將
 來告帝圖五老曰河圖將浮龍銜玉包金泥玉檢

何崇曰
 末語一
 變若蓬

下五字
 疑上

封盛書五老飛為流星上入昴識論語

孔子隕於陳弦歌於館中夜有人長九尺餘皂衣

高冠大咤聲動左右子路引出與戰于庭仆于地

乃大鯁魚也鯁大計切鮎魚子曰吾聞物老則羣精依之

因衰而至此其來也夫六畜之物及龜蛇魚鼈及

草木久者皆神為妖怪故謂之五箇五箇五行之

方皆有其物箇者老也故物老皆為怪殺之則已

夫何患哉公穀注非神也入而不可殺也

曾子第二十二

曾子從仲尼在楚心動問母母曰思之齧指孔子

聞之曰參之至誠精感萬里記搜神

子曰天子之德感天地動八方是以功合神者稱

皇德合天地者稱帝義名曰王帝紀

孔子與聞魯國之政齊人懼曰孔子為政必伯伯

則吾地近焉我為之先并矣蓋致地焉犁鉏曰請

先沮之沮之不可致地庸遲乎於是選國中女子

八十人皆衣文衣舞康樂馬三十駟以遺魯君魯

君游觀終日卒受之三日不朝孔子遂行師已送

之曰、夫子則非罪、孔子曰、吾歌可夫、歌曰、彼婦之
口、可以出走、彼婦之謁、可以死敗、游哉優哉、聊以
卒歲、師已反、季桓子曰、孔子何言、師已以實告、桓
子歎曰、夫子罪我、以羣婢故也、孔子去魯十三年、
適衛者五、適陳蔡者再、適曹、適宋、適鄭、適葉、適楚、
各一、諸侯皆莫能用、卒自衛反魯、蓋定公十四年、
由大司寇攝相事時也、齊歸女樂、孔子行、孔子世家
魯沈猶氏、且飲其羊、飽之、以欺市人、公慎氏有妻
而惡、慎潰氏奢侈驕佚、魯市鬻牛馬者、善豫價、孔

子為魯司寇、沈猶氏不敢飲其羊、公慎氏出其妻、
慎潰氏踰境而走、鬻牛馬者不豫價、布正以待之
也、既為司寇、季孟墮揮、郈費之城、齊人歸所侵魯
之地、由積正之所致也、故曰、其身正、不令而行、列

新序

楚昭王召孔子、欲使執政、而封以書社七百里、子
西謂楚王曰、楚之祖、封於周、為子男五十里、今孔
子述三王之法、明周召之業、王若用之、則楚安得
世世堂堂、方數千里乎、文王在豐、武王在鎬、百里

之君卒王天下今孔丘得據土壤賢弟子為佐非楚之福也昭王於止史記

衛孔文子將攻子太叔問策於仲尼仲尼辭不知退而命載而行李康子以幣迎孔子孔子歸魯孔

子去魯凡十四年而反乎魯孔子世家

孔子曰孝弟之至通乎神明光于四海舜之謂也

孔子謂曾子曰君子不以利害義則耻辱安從生哉官怠於宦成病加於少愈禍生於怠惰孝衰於

妻子察此四者慎終如始新命由由

子曰聽其音者聞其疾而不聞其舒望遠人者察其貌而不察其形立乎定哀之間而指乎隱桓隱

桓之日遠矣梁

定公會齊侯於夾谷孔子相兩君就壇兩君相揖齊人鼓譟而起欲執魯君孔子歷階而止不盡一等命司馬止之孔子視歸乎齊侯曰兩君之合而夷狄之人何為來為齊侯謝曰寡人之過也退而屬二三大夫曰大夫率君行古人之道二三子率

我入夷狄之俗何為乃罷會齊君使優施舞於魯君之幕下孔子曰笑君者罪當死司馬行法首足異門出齊人懼來歸鄆謹龜陰之田蓋為此也因是以見有文事必有武備孔子夾谷之會見之

公羊

傳

魯按公羊當作穀梁

孔子之宋臣簡子將殺陽虎孔子似之甲士圍孔子之舍子路奮戟將下闔孔子止之曰何仁義之不免俗也夫詩書之不習禮樂之不修也是丘之過也若似陽虎非丘之罪也命也夫由歌吾和汝

子路歌夫子和之三終而甲罷

說苑

孔子母顏氏徵在游大澤之陂夢黑帝使請已已往夢交語曰汝乳必於空桑之中覺則若感生丘於空桑首類尼丘山故以為名

孔演圖

孔子生之夜有二蒼龍自天而下有二神女擎香霧於空中以沐徵在先是有五老列於庭則五星之精有麟吐玉書於闕里人家云水精之子繼商周而素王出故蒼龍繞室五星降庭徵在知其為異乃以繡紱繫麟肉而去至敬王末魯哀公二十

魯按二當作之

四年魯人鉏商田於大澤得麟以示夫子夫子知命之終乃抱麟解紱而涕泗焉伏候古

仲尼魯人生不知易本偶筮其命得旅請益於商

瞿氏曰子有聖智而無位孔子泣而曰天也命也

鳳鳥不來河無圖至嗚呼天命之也嘆訖而息志

庖羲氏先文

仲尼牛脣吐教陳機受度又仲尼虎掌是謂威射

胸應雉是謂儀古又仲尼龜脊又孔子海口言若

含澤又夫子輔喉孝經鈎命訣

何崇曰西王母老聃皆秉異相至人故自別

孔子之勁能拓國門之關勇復孟諸足蹠狄鬼不

以力聞呂氏春秋

孔子去魯佩象環五寸象言其有文理也環可循

而無窮也古禮記

西狩獲麟有告者曰有麇而角者子曰孰為來哉

反袂拭面涕沾袍曰吾道窮矣公羊傳

孔子將死遺秘書曰不知何一男子自稱秦始皇

上我堂踞我牀顛倒衣裳至沙丘而亡後始皇至

魯觀孔子宅至沙丘而亡王充論衡

鮑永為魯郡太守時彭豐等不降闕里無故荆棘
 自闕從講堂掃除至孔子廟永異之謂府丞曰方
 今阨急而闕里無故自滌豈夫子欲行大饗誅無
 狀也乃修學行鄉禮請豐會手格殺之東觀漢記
 魯哀公十六年夏四月己丑孔子卒公誅之曰是
 天不弔不慙遺一老俾屏余一人以在位熒熒余
 在疚嗚呼哀哉尼父無自律國語
 孔子卒受魯君璜玉葬郭之北泗水為之却流白虎通

鍾離意為魯相出私錢付戶曹孔訢修孔子車身
 入廟拭几席劍履男子張伯除堂下草得璧七枚
 懷其一以六枚白意孔子授教堂下牀頭懸一甕
 召訢問訢曰夫子甕也背有丹書意發視之中有
 素書曰後世修吾書董仲舒護吾車拭吾履發吾
 筥鍾離意壁有七張伯懷其一鍾離意傳

孔子集語卷下終

[Faint bleed-through text from the reverse side of the page]

孔子集語跋

學者志于聖賢之道而惜學亦久約
之以禮若徒暢聞遠見而止焉得聖
賢之道乎今漢明郭于哉之前陳四
之微言繁焉可觀者莫詳論然
夫之後孔子造書物錯諸家哉述為
煩間有服要且信且終至趙宗薛氏

采摭所見持苦者存不實集注之編
足見傳後世之學者惜學亦文物之
以禮者在焉自頃播旱之生考訂終
篇清余鑒定公于四方因題紙尾
明和開歲甲申季冬日

九年 中島徂方 敬藏 澤後



譚氏化書

道士譚景昇ノ著セル萬物ノ化生ニ譬テ神仙道化ノ
妙理ヲ説タル書ニシテ万物ノ妙化ヲ悟リ人ノ性ヲ
養ヒ真ヲ保ノ道ヲ示セル實ニ珍奇ノ書ナリ

墨池鎖録

楊升庵ハ明朝第一ノ博學ニシテ古來ノ筆法ノ名説
確言ノ習字ノ人ニ益アル語ヲ録セリ古今筆法ヲ
説タル書多クレハ箇要ニメズセルハ此書ニ過タルハナシ

枕山搜茶畧

土地ニヨリ茶性ノ美惡アルヨリ功能製法貯藏等ノ法
マテ二十條ニ分テ委ク是ヲ擧ケ陸羽カ茶經ノ及ハサ
ル所ヲ發明セシ茶人必用ノ奇書ナリ

書林

京二條通塲町東八町
林 芳兵衛

早稲田大学図書館

011488554591